



Na osnovu člana 15. stav (1), tačka a) Zakona o odbrani BiH („Službeni glasnik BiH“, broj: 88/05), a u skladu sa članom 16., 17. i 18. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine („Službeni glasnik BiH“, broj: 34/19), kao i Odluke o kriterijima i načinu bodovanja i rangiranja kandidata za kadete OS BiH na vojnim akademijama u inostranstvu, broj: 10-33-2-232-81/23 od 06.12.2023. godine, a u cilju izbora kandidata/kinja za školovanje na Vojnim akademijama u inostranstvu, Ministarstvo odbrane BiH, raspisuje:

J A V N I K O N K U R S
za školovanje kadeta na Kraljevskoj akademiji Sandhurst, Velika Britanija za školsku
2024/2025. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje jednog (1) kadeta na Kraljevskoj akademiji Sandhurst, Velika Britanija za školsku 2024/2025. godinu.

II – USLOVI KONKURSA

1. Opći uslovi su propisani članom 9. Zakona o službi u Oružanim snagama BiH ("Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) :

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na bezuvjetnu kaznu zatvora u trajanju duljem od šest mjeseci,
- d) da nije prethodno otpušten iz državne službe ili pravne osobe zbog povrede službene dužnosti u posljednje tri godine,
- e) da se protiv njega ne vodi kazneni postupak za kazneno djelo za koje se goni po službenoj dužnosti,
- f) da mu pravomoćnom presudom nije zabranjeno obnašanje određenih djelatnosti, odnosno obveza za vrijeme trajanja takve zabrane,
- g) da ima odgovarajuću stručnu spremu potrebnu za obnašanje određene dužnosti (uvjet koji će biti ispunjen po završetku vojne akademije),

2. Posebni uslovi:

- a) završen fakultet (kandidati/kinje sa boljim uspjehom na fakultetu će imati prednost ukoliko više kandidata/kinja bude imalo jednak ukupan broj bodova),
- b) da nije stariji/a od 27 godina, na dan 12.12.2025. godine, za kandidate iz građanstva,
- c) da nije stariji /starija od 29 godina za kandidate koji su već u sastavu OS BiH, na dan 25.11.2024. godine, (uslov školske ustanove Velike Britanije), a skladu sa članom 9. stav (4) Zakona o službi.

- d) znanje engleskog jezika (na provjeri poznavanja engleskog jezika da postigne minimalno 80 bodova na testu ALCPT),
- e) poznavanje rada na računaru (Word, Excel, Power Point, Internet).
- f) Fizička spremnost:
 - kandidati/kinje moraju imati dobru fizičku spremnost, koja će se provjeriti kroz sljedeće discipline (uslov školske ustanove Velike Britanije):
 1. Trčanje na 2000 m:
 - norma za muškarce je 10 minuta i 30 sekundi,
 - norma za žene je 12 minuta i 45 sekunde,
 2. Trbušnjaci u trajanja od 2 minuta:
 - muškarci minimum 50 ponavljanja,
 - žene minimum 50 ponavljanja,
 3. Slekovi u trajanja od 2 minuta:
 - muškarci minimum 44 ponavljanja,
 - žene minimum 21 ponavljanja.
- g) da kandidati nemaju astmu, probleme sa plućima, oboljenja srca, leđa, povrede udova ili drugih zdravstvenih problema, koji mogu biti smetnja za konačan odabir kandidata za kadeta (uslov školske ustanove Velike Britanije).

Napomena: Kandidati/kinje prijavljeni na Javni konkurs proći će test fizičke spremnosti, test općeg znanja, test iz poznavanja engleskog jezika, psiho test i intervju. Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine. Rangiranja kandidata/kinja vršit će se na osnovu kriterija koje odobrava ministar odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje na Kraljevskoj akademiji Sandhurst traje od 25.11.2024. do 12.12.2025. godine.
2. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“ broj: 50/08, 35/09, 75/09, 32/12 i 42/12).
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinja izabranih za školovanje na Kraljevskoj vojnoj akademiji Sandhurst, Velika Britanija i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu vojno obrazovne ustanove na koju se kandidat/kinja upućuje.

IV - POTREBNI DOKUMENTI

- a) Potpisana prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerena kopija diplome završenog fakulteta sa dodatkom po Bolonjskom procesu studiranja. U slučaju da visokoškolska ustanova dodatak diplomu nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome dostavi uvjerenje visokoškolske ustanove da dodatak diplomu nije uopšte izdat, niti za jednog diplomca,
- c) Original ili ovjerena kopija Uvjerenja o državljanstvu, ne starije od 6 (šest) mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- d) Original ili ovjerena kopija izvoda iz matične knjige rođenih trajnog karaktera,
- e) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- f) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- g) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od 3 (tri) mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- h) Dokaz o poznavanju rada na računaru: - kandidati/kinje koji/e tokom školovanja (fakultet ili srednja škola) nisu imali/e predmet informatika dostavljaju certifikat ili potvrdu, o kojima se vodi službena evidencija o poznavanju rada na računaru (ove akte izdaju državni organi ili nedržavni subjekti, u skladu sa podacima iz službene evidencije koje imaju karakter javne isprave, ukoliko te poslove obavljaju na osnovu javnog ovlaštenja). - kandidati/kinje koji/e su tokom školovanja (na fakultetu ili srednjoj školi) imali/e predmet informatika, kao dokaz mogu dostaviti: ovjerenu kopiju indeksa ili svjedočanstva.
Kao dokaz može poslužiti i diploma koja potvrđuje stečeno zvanje ili zanimanje koje je neposredno vezano za rad na računaru, kao i dodatak diplomu iz kojeg je vidljivo poznavanje rada na računaru.
- i) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo po obrascu ponuđenom na www.mod.gov.ba).

Napomena: Kandidati/kinje koji ne budu izabrani u procesu odabira omogućava se preuzimanje ličnih dokumenata koji su dostavljeni u procesu prijema u roku od 30 (trideset) dana od donošenja konačne odluke ministra odbrane BiH o izboru kandidata

V - ODABIR KANDIDATA

Odabir kandidata/kinje izvršit će Komisija koju će formirati ministar odbrane Bosne i Hercegovine.

Testiranje kandidata mogu prisustovati ovlaštena lica države prijema, po njihovom zahtjevu.

VI - PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

ul. Hamdije Kreševljakovića 98

71 000 Sarajevo

sa naznakom „Javni konkurs za školovanje kadeta u Velikoj Britaniji“

Konkurs ostaje otvoren petnaest (15) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave. Neblagovremene prijave kandidata neće se uzeti u razmatranje.

Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od 3 dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku.

Broj:10-33-2-716-2/24
Sarajevo, 21.02.2024. godine

MINISTAR

Zukan Helez